

Barruu: Yeroo bakka Qorannoo hancufaa kan COVID-19 Dhaqnuttii Maal akka ta’uu malu.

Gara qorannoo hancufaa COVID-19 yeroo deemnu maal gochuu akka qabnu.

Samuuddii hancufa kee osoo hin kennin daqiiqaa 30n dura waan tokkoyyuu akka hin nyaatin, hin dhugin, hin aarsin, yookan hin alaanfatin turuu kee mirkaneeffadhu.

Kunis bishaan dhuguu dhiisuus dabalata.

Bilbila hammayyaa (Smart pone), kaardii inshuraansii, fii teessoo imeelaa kee kan hojjatu yoo qabaatteef qabadhuu koottu.

Bilbila hammayyaa kana hin qabdu yoo ta’e, tableetiin qulqullaa’aan itti fayyadamuu dandeessu bakkichatti ni argama.

Inshuraansii yoo hin qabaannes, akkasumattuu tola qoratamuu ni dandeessa

Tajaajila kanaaf, Kaffaltiin (bill) sitti hin ergamu.

Akkasumas, teessoo imeelaa hojjetu hin qabdu yoo ta’e, hojjettoonni lakkoofsa bilbila keetii fayyadamanii argama qorannoo keetii siitti himuu danda’u.

Beellama qabatee dhufuun wayyaadha, haa ta’u malee, beelama malees yoo dhufte rakkoo hin qabu.

Bakka kan yeroo geessu, mallattoolee kalattii agarsiisan hordofuun gara galmeetti ykn beellama ilaallachuutti gori.

Hojjattootni bakka sana jiran fuul-golgaa ynk maaskii kee fuul-golgaa isaa achitti kenamuutti akka jijjiirratu si gaafatu.

Kun, qulqullinii bakka sanii hanga danda’amameetti akka eegamuuf ni gargaara.

Hojjattootni nama afaan siif hiiku yoo si barbaachisee fii akka sumas bilbila hammayyaa qabaachuu kee si gaafatu.

Sana booda meeshaa qorannoo siif kennanii gara dhaabbii qorannootti si geessu.

Bilbila kee fayyadamuun koodii QR suraa kaafta.

Kunis, gara marsariitii qorannoo kan ati odeeffannoo kee irratti galmeessituutti si geessa.

Gaaffii kamiyyuu yoo qabaatte, hojjattootni si gargaaruf achi jiru.

Erga odeeffanno kee guuttuu xumurteen booda, marsariitichi qajeelfama qorannoo hancufaa sadarkaa sadarkaan sitti agarsiisa.

Hancufa gahaa hamma sararaan kaa'ameen oliitti kennuutu sirraa eeggama.

Hoomachi hin safaramu.

Ujummoo hancufichaa rurukutuun hoomacha isaa keessaa baasuun safara isaa isa sirri baruuf si gargaara.

Ujumoon yoo guutame, saffee irraa baastee qabicha qadaada cuquliisan cuqqaltee raasta.

Hanga samuuddii hancufa keetii fii dhangalee bifa cuquliisaa walitti makamutti qadaaddii isaa itti gabeessii. Ergii walitti makameen booda ammoo akka sirriitti wal-fudhatuuf raasuu ykn sochoosuu ni dandessa.

Ujumicha sakandii 5f raasi.

Xumura irratti, baattuu meeshaa qorannoo kanaa irraa baafte erga gatteen booda, ujummoo kee warra sirkaa fuudhanitti geessi.

Deebii argama qorannoo kee sa'aatii 48 keesatti iimeelan siif ergama.

Yoo imeela hin qabaannee ammoo, bilbila ati kenniteen siif bilbilama.

Waa'ee akkaataa funaansa samuuddii kana irratti gaaffii qabda taanan, hojjattoota bakka qorannoo hancufaa jiran gaafadhu.

Qorannoo kana fudhachuu keetiin nageenya hawaasaa keenyaa eeguu keef galatoomi!

Minnesota Department of Health
Communications Office
PO Box 64975
St. Paul, MN 55164-0975
651-201-4989
health.communications@state.mn.us
www.health.state.mn.us

11/9/20 (Oromo)

Odeeffannoo kana bifa biraan argachuudhaf, 651-201-4989 irratti bilbili.